



Codex diplomaticus Brandenburgensis

Sammlung der Urkunden, Chroniken und sonstigen Quellenschriften für
die Geschichte der Mark Brandenburg und ihrer Regenten

Sammlung für allgemeine Landes- und kurfürstliche
Haus-Angelegenheiten

Riedel, Adolph Friedrich

Berlin, 1860

89. Hans von Waldow erinnert den Kurfürsten an das Versprechen, ihm
einen Gefangenen zur Auslösung eines gefangenen Verwandten zu geben,
am 6. April 1473.

Nutzungsbedingungen

[urn:nbn:de:hbz:466:1-55801](https://nbn-resolving.org/urn:nbn:de:hbz:466:1-55801)

89. Hans von Waldow erinnert den Kurfürsten an das Versprechen, ihm einen Gefangenen zur Auslösung eines gefangenen Verwandten zu geben, am 6. April 1473.

Irluchter, Hochgeborner forste. Meyne willige, pflichtige dinste Mith Steter Boretikeyt zuorne, gnediger, liber here. Szo ich am nhesten off eynem gemenem herentage dobey eweren forstlichen gnaden was zu Coln, Bittende van Meyns vetteren wegen Kuntz von Waldow, der denne den vnmündigen Hans Loffos Szeligen Nachgelazzen kinderen ist abegefangen, szo ich vff das selbe mal Eweren forstlichen gnaden vorzalte vnde Ewer forstliche gnade globt, myr eyner Jegengefangen zu geben, das ich eweren forstlichen gnaden zu allen zeyten dancke vnde mith willen, szo ich pflichtig bin, wil vordinen, dur an denne Ewer forstliche gnade dem Hochgeborenen fursten, Marggrauen Hanfen, och dem Erwerdigen in got, vater vnde heren, heren Fridrich, Bischowe zu Lubus, von vorgeffenheyt wegen nicht zu thun hat beuolen; vmb deswillen Bitte ich ewer forstliche gnade, Als meynen gnedigen, lieben heren, von der armen vnmündigen kinder wegen, Ewer forstliche gnade wolle myr noch eynen Jegengefangen geben vnde das an den Hochgeborenen fursten, Marggrauen Hanfen, Ader an den Erwerdigen In got, vater vnd heren, heren Fridriche, Bischowe zu Lubus, laszen scriben, das wil ich mith vnuordrossenen pflichtigen dinsten, Och die vnmündigen kinder In zukunfftigen zceyten jegen Ewer forstliche gnade willig gerne vordinen vnde Bitte, ewer forstliche gnade wolle myr des eyn antwort laszen scriben, wes dye vnmündigen kinder daran Muchten geniszen. Gegeben zu Lagow, vnder Meyns gnedigen heren des Meisters Sant Johans ordens In der Marke etc. Inge-
szegel, Am dinstage nach Judica, Im LXXIII^{ten} Jare.

Euern forstlichen gnaden williger diner
Hans von Waldow zu konigswalde.

Dem Irluchten, Hochgeborn fursten unde heren, heren Albrechte, Marggrauen zu Brandenburg, kurforsten, des heligen Romischen Reychs Ertzkamerer, zu Stettin, Pomern etc. Hertzoge, Burggraue zu Nurenberg vnde furste zu Rugen, Meynem gunstigen, gnedigen, lieben heren.

Nach dem Originale des Königl. Hausarchives.